





第一二五〇册

四庫全書

●上海古籍出版社

本冊目次

懷麓堂集

明李東陽撰……………一

卷一 五〇冊

欽定四庫全書

集部
懷麓堂集卷一
四

詳校官監察御史_臣范衷

中書_臣劉源溥覆勘

總校官編修_臣王燕緒

校對官待詔_臣胡士震

謄錄監生_臣朱上林

欽定四庫全書

集部六

懷麓堂集

別集類五
明

提要

欽定四庫全書

懷麓堂集
提要

_臣等謹案懷麓堂集一百卷明李東陽撰東陽有東祀錄已著錄東陽依阿劉瑾人品事業均無足深論其文章則究為明代一大宗自李夢陽何景明崛起弘正之間倡復古學於是文必秦漢詩必盛唐其才學足以籠罩一世天下亦響應從之茶陵之光焰幾燼連北地信陽之派轉相摹擬流弊漸深論者乃稍稍復李東陽之傳以相掙拉蓋明洪永以後文以平正典雅為宗其究漸流於庸膚庸膚之極不得不變而求新正嘉以後文以沉博偉麗為宗其究漸流於虛憍虛憍之極不得不變而務實二百餘年兩派互相勝負蓋皆理勢之必然平心而論何李如齊桓晉文

功烈震天下而霸氣終存東陽如袁周弱魯

力不足禦強橫而典章文物尚有先王之遺

風殫後來雄偉奇杰之才終不能擠而廢之

亦有由矣其集舊板已燬此本為

國朝康熙壬戌茶陵州學正廖方達所校刻凡

詩稿二十卷文稿三十卷詩後稿十卷文後

稿三十卷又雜稿十卷曰南行稿曰北土錄

曰經筵講讀曰東祀錄曰集句錄曰哭子錄

欽定四庫全書

懷麓堂集

三

曰求退錄凡七種其詩後稿本十卷張鴻烈

跋作二十卷筆誤也前有正德丙子楊一清

序及東陽自序然自序為擬古樂府作不為

全集作後人移并全集耳乾隆四十六年十

月恭校上

總纂官_臣紀昀_臣陸錫熊_臣孫士毅

總校官_臣陸費墀

懷麓堂集原序

古之人所以名世而不朽者有三立德立功立言是已

今天下政化出於一六經四書之旨如日麗天固無俟

於所謂立言者其見於著作若紀述鋪叙之為文詠歌

吟諷之為詩可以考見得失垂世鑒戒而興起其善端

大則用之朝廷施諸天下以鳴一代之盛謂非古者立

言之遺意哉今少師致仕西涯李先生以扶輿間氣挺

生於重熙累洽之朝弱冠入翰林已負文學重名金梓

欽定四庫全書

懷麓堂集

一

所刻卷帙所錄幾徧海內大丈夫得其片言以為至寶

後進之士凡及門經指授輒有時名中年益深造遠詣

比掌帝制登政府則又行而為經綸黼黻之文稽古代

言以定國是變士習裨政益化有非文章家之可名言

者矣且文至今日而盛而弊亦隨之故聯篇累帙盈天

壤間皆是物也其能追古名家超然自立於世者蓋亦

不數數見已自餘作者各挾所長非無足取彙而閱之

樂恐肆者失之駁而不醇好摹擬者傷於局而不暢近

或習為瘦辭硬語使人不復可句以是為古所謂以艱深文淺近者文之弊一至是可慨也先生高才絕識獨步一世而充之以問學故其詩文深厚渾雄不為偏奇可駭之辭而法度森嚴思味雋永盡脫凡近而古意獨存每吮毫伸紙天趣溢發操縱開合隨意所如而不踰典則彼旬鍛月鍊以求工者力追之而不可及也譬之大人君子冠冕佩玉雍容委蛇於廟堂之上指麾百執事各任其職未嘗有叱咤怒罵之威而望之者起敬即之者傾心至其衆體具備無所不宜探之而益深索之而益遠則如大河之源出於崑崙至於積石又至於龍門底柱既乃吞納百川以達於海涵浴日月頃刻萬變而不知其所窮嗚呼至矣孔子曰有德者必有言先生孝友天至其素行金完玉粹名滿天下而自視欲然位極人臣而樂善如不及履常應變恒介介不易守益其文章與功業並懋斷有以立於世者而謂其不本之德不可也先生嘗自輯其詩文凡九十卷總名之曰懷麓

堂稿詩稿二十卷文稿三十卷在翰林時作詩後稿十卷文後稿三十卷在內閣時作外有南行稿北上錄以及經筵講讀東祀集句哭子求退諸錄則附於全稿之末以皆雜記故不入卷中徽州守熊君桂先生禮闈所取士間從所知得副本乃謀諸同知王君仲仁輩刻之郡齋走書京師索余序予辱先生知與四十年多所規益每有撰述輒為指摘疵垢不少隱顧庸惰不立少而學馬老而未能測其谿徑况望窺其室堂哉然平生企向之懷得托姓名於不朽以為幸而熊君汲汲公善之心亦不可以不白故僭為之言先生所著別有燕對錄藏於家及密勿章疏文字甚多人不及見予承乏內閣始得窺見之若致仕以後詩文則別為續稿他日當自有傳之者正德丙子秋七月朔光祿大夫柱國少傅兼太子太傅吏部尚書武英殿大學士知制誥兼經筵官石涼楊一清撰

欽定四庫全書

懷麓堂集卷二

明 李東陽 撰

詩稿一

古樂府

申生怨

十日進一昨君食不得嘗說言豈無端兒罪誠有名兒

心荷如地地墳中自傷兒心不如犬犬得死君傍清云使晉

欽定四庫全書

父聞之未必不憫然自失天地豈不廣日月豈不光悲哉復何言一

死以自明謝云說得此生心透潘云聲氣俱盡更著不得一語

綿山怨

五蛇上天一蛇蟄綿山經月火不滅君王恩重翻為仇

不如放作山中囚君王有臣一非少貪天之徒但自保

臣心見母不見君誰言母死非君恩謝云其季曲至此今辰何

辰夕何夕留與千年作寒食

屠兵來

兒勿啼屠兵來趙宗一綫何危哉千金賣兒兒不死真

兒却在深山裏妾今有丈夫有子死兵易立孤難九原

下報無慚顏趙家此客還此友穿何故亡盾何走清云客不

負趙趙乃負晉此意亦甚警切誰言趙客非晉臣當時嬰杵為何人

築城怨

築城苦築城苦城上丁夫死城下長號一聲天為怒長

城忽崩復為土長城崩婦休哭丁夫往日勞寸築

避火行

欽定四庫全書

夫人避火避火不可婦人不下堂下堂羞殺我夫人避

火避火不可我身有傳還有姆傳姆不來心獨苦君不

見宋姬一卒春秋悲文姜辱死南山詩

掛劍曲

長劍許烈士寸心報知己死者豈必知我心元不死清云

意不近名平生讓國心耿耿方在此

漸臺水

漸臺水深幾許使者來誰遣汝清云只一誰字意便是不見君王

符空傳君王語漸臺水行宮不可度妾死猶首立

謝云

必於君行在何處

潘云死不忘君更見忠厚非徒死者平生委質身為君

此時重信輕妾身

潘云又君不還妾當死臺高高水滿

潘云結尤灑落潘云新絕之後轉覺含蓄作手作手

卜相篇

家貧思賢妻國亂思良臣薦成成不知告瑣瑣不嘆克

也與國論此國尚有人能令汝卜相誰使汝為君東周

一失馭全晉遂三分但知晉國亂不念周家貧史官謹

欽定四庫全書

懷麓堂集

初命千載傷彛倫

潘云卜相事史家以為美談提出誰使汝為君一句大義方明白晉亂周

貧此意更警切

國士行

漆為癘炭為啞彼國士何為者趙家飲器智家頭一日

事作千年仇報君仇為君死斬仇之衣仇魄魂臣身則

亡心已矣

謝云義者不以存亡易心欲如此非身有之不能道

昌國君

齊城下即墨守燕將代昌國走半辭累使招不歸臣心

上有先王知

潘云只一句道盡

先王知心獨苦義君臣邦父母

當時誓死却齊封更忍還兵向燕土終不似信要劉胥

報楚

謝云說得樂毅心出

樹中餓

山深雪寒路坎坷兩死何如一生可桃才自信不如哀

君若有功何必我

潘云若已有之

楚王好士得燕才燕家未築

黃金臺當時周室何為哉吁嗟乎樹中餓死安足惜

潘云

必如此方見賢者之過何似西山採薇食

欽定四庫全書

懷麓堂集

邯鄲賈

邯鄲奇貨千金抵陽翟賈兒雙眸晚掌珠飛墮華陽宮

宮中老蚌光如虹關門不開玉符剖秦人河山趙人手

邯鄲種玉玉不死移向宮中生玉子長安寶氣橫九州

賈兒身貴封為侯匹夫懷璧尚不可何怪貪兒死奇貨

潘云通篇比興中叙事曲盡以此絕少

易水行

田光刎頭如拔毛於期血射秦雲高

潘云起得突兀

道旁灑淚

沾白袍易水日落風悲號督亢圖窮見寶刀秦皇繞殿
哮且逃力脫虎口爭秋毫荆卿倚柱笑不咤身就斧鎖
甘腴膏報韓有客氣並豪十日大索徒為勞荆卿荆卿
嗟爾曹謝云匹夫不及智士
信哉潘云只合如此

鴻門高

鴻門高高屹屹日光盪雲霧塞雙舞劍三示决壯士入
目皆拆謀臣怒玉斗裂網彌天龍有翼龍一去難再得

謝云榮陽之網龍幾將困危乎殆哉潘云句短
意壯長者可學短者不可到雖舊格亦罕見此

欽定四庫全書

新豐行

長安風土殊不惡太公但念東歸樂漢皇真有縮地功
能使新豐為故豐人民不異山川同公不思歸樂關中
漢家四海一太公祖上之對何匆匆當時幸不烹若翁

淮陰數

潘云句意渾古無一字不合作結更有刀

營門晝開齊犬吠蒯生相人先相背古來烏盡良弓藏
近時刎頸陳與張功成四海身無地歸楚楚疑歸漢忌

極知猶豫成禍胎時乎時乎不再來君王恩深辯士走
淮陰胸中血一斗婦人手執生殺機赤族不待君王歸
君王歸神為惻獨不念秋毫皆信力舍人一喉彭王殂
淮陰之辭真有無噫吁噓淮陰之辭真有無謝云漢高
於此真少

臣不如

劉氏盟呂氏爭臣不如陵呂氏擬劉氏絕臣不如勃平

欽定四庫全書

乎平乎智有餘胡為甘此兩不如潘云撮振數
字出便分曉茲言非

智還非愚平乎竟爾為身圖謝云說
得平透

殿上戲

殿上戲丞相嗔丞相勿嗔吾弄臣臣可弄不可狎節使
不來臣已殺君王有道臣職遂細柳營中親按營謝云
意勝

詞潘云此
故不可少

宜陽引

宜陽小兒身姓竇弟為傭姊為后山中岸崩壓不殺自

言相有封侯法朝上書夕召見生不記家猶記縣眼前
喜極翻作哀一朝富貴從天來左圖書右賓友兄弟賢
名世希有古來寵祿易驕奢今人尚憶貧時否

潘云據事直述

頽水濁

魏其侯家客醉舞一語不回丞相怒相家貴人半膝席
斬首穴胃那復惜籍郎按項項不俯頽川諸豪同日捕
魏其皆裂東朝東首鼠不決轅駒窮頽川水濁灌滅宗

欽定四庫全書

懷麓堂集

七

誰令併殺老禿翁相門白日嘯二鬼越明年春武安死
誰言死速不如遲幸未淮南語泄時

謝云其紆曲乃爾潘云組織史傳以

成樂章可誦可成

數奇歎

匈奴七十戰戰戰不得當一當遂失道憤激摧肝腸君
恩念數奇將令抑不揚白頭恥下獄飲泣橫干將敢也
報父讐寧為刺客死路傍隴西世節氣此志亦可傷陵

乎爾誠才

潘云婉辭之責甚於戰指

胡為辱死天一方

文成死

文成封五利封神仙只在東海東文成死五利死天下
神仙皆妄耳

潘云只此六句何必費辭

漢家武帝者英昔何惜矣

今何明君不見百年身萬年計前秦皇後唐帝

收羝曲

嗟汝陵咄汝律羝可乳節不可屈咄汝律嗟汝陵寧為
我死不作汝曹生

潘云句奇律兀甚稱題目臨江節士辭恐不及

老有淚猶沾茂陵草

潘云意極可愛

天遣生還入畫圖不然誰

欽定四庫全書

懷麓堂集

八

識冰霜貌

潘云結亦新意然佳處却不在此可與知者道耳

問喘詞

少陽用事春猶淺道傍死人春不管丞相停車問牛喘
君不見陳平辯周勃免誰曾問春淺深牛近遠

謝云差強人意

潘云音節自會

馮婕妤

園門晝開熊不守婕妤當前衆嬪走荷君光寵捍君危
不然安用賤妾為君身如山妾如葉君有不虞安置妾

潘云體貼
得實意出
亦知倉卒非賈恩恩多妬深翻在睫馮婕妤好
昔非勇今非怯掖庭佞兒何喋喋潘云用事自活

明妃怨

莫倚朱顏好妍媸無定形莫惜黃金貴能為身重輕一
生不見君王面不是丹青誰引薦謝云說得宛曲怨而不傷空將艷
質惱君懷何似當時不相見君王幸顧苦不早不及春
風與秋草却羨蘇郎男子身猶能仗節長安道休翻胡
語入漢宮謝云又生一意祇恐伶人如畫工畫工形貌尚可改

欽定四庫全書

懷麓堂集

何況依稀曲調中潘云古今詠明妃甚多殆無復措手處此篇新意盡出恨不使前人見之

九折阪

九折阪七尺身回車為孝子叱馭為忠臣孝子身為親
忠臣身為君七尺身九折道潘云有此一叱馭歸來人轉便覺精神
未老回頭試問回車翁何曾得葬瑯琊草

尚方劍

中書勢重儒臣輕天下善類皆為朋漢家賢傅生負氣
死不再逢刀筆吏君王奮怒威莫當宮掖纔容免冠地

謝云纔
字妙
漢家佞臣多戴頭借劍不報蕭公仇當時只問
安昌侯潘云十載慨然

四知歎

故人知君君不知故人下有厚地兮上有蒼昊縱不吾
知兮吾心有神金獨何為兮至吾門吾閉吾門兮省吾
身潘云此二句直從意外生意更進一步使關西聞此未必不懽然而起也

美新歎

昭陽禍水噴火滅賊莽勢熾哀平折宮中臘日椒酒芳

欽定四庫全書

懷麓堂集

金騰策秘符命昌漢家老婦不姓呂謝云用事極有斟酌猶握漢
符為漢主遺民獨有龔勝存餓死不入新都門美新大
夫那肯死元是五侯門下史潘云亦豈所謂自行者乎謝云拈出此語更逃不得

兩虎鬪

中原野龍鬪未休兩虎私鬪真龍憂雌虎哮風雄虎避
龍顏一開天為霽潘云句好君不見邯鄲虎鬪龍不知關中
祖龍不敢欺當時豈復爭雄雌

嚴陵山

劉文叔加我足侯君房瞋我目平生若遣吾喪我有目

如盲足如跛安能城市復山林朝往暮還無不可謝云

士得已為之君不見嚴陵山水高復深誰哉更識先生意甚快然

心

弄潮怨

莫弄潮潮水深殺人莫射潮中有孝女魂潘云展轉痛恨魂來

父與遊魂去父與沉潮能殺人身不能溺人心潮水有

盈縮人心無古今

欽定四庫全書

斷絃曲

晨聽焦桐聲夜聞斷絃音阿女有父資家學在一琴生

書五經石死給十吏札阿女有父能八分乃遺法司徒

坐上嘆胡雛別時哭阿女有父情情鍾為誰傷謝云比事精甚

有書何必教有女翻為辱君看荀爽女一死萬事足潘云

結更
精紫

縛虎行

布將騎公將步天下紛紛可橫鶩卿為客我為虜卿為

一言無不可下邳城南絕縛虎曹公不怒劉公怒董卓

丁原在何處布乎布乎嗟汝布謝云句意天成

鸛鷀曲

大兒孔文舉小兒楊德祖餘子碌碌不足數身著岑牟

前擊鼓禍生狂呼老瞞沮我辱衡衡辱我我欲殺之猶

雀鼠一投荆再送楚黃鸛磯頭賦鸛鷀鸛鷀才多為舌

誤謝云偶托一舉世何人不相妬生莫逢仇主薄物意自可入

漢壽侯

欽定四庫全書

漢壽侯義且武冠三軍振華夏斬仇將報知者身不可

留臣有主潘云仲此以折彼耳彼陸與呂何為者哉老瞞不追猶有度誰其

仇者吳陸呂歲十二月侯出走吳人縛侯生縛虎生縛

虎死猶怒髯如蚪眼如炬吁嗟漢乎天不祚有馬不踐

中原土侯身雖亡神萬古

五丈原

五丈原頭動地鼓魏人畏蜀如畏虎營門不開呼者怒

揮戈指天天字漏將星墮空化為土鍊石心勞竟何補

侯歸上天多舊伍闕為前驅張後拒忠魂不逐降王車
長衛英孫朝烈祖潘云表出北地王風節恨孔明不
及為之佐耳千古之恨何時消得

東門嘯

上東門東羯離嘯寧馨王郎識奇兆單車快馬追不還
寧知夜死排牆間當時預恐亂天下天下蒼生竟誰誤
一家三窟本身圖潘云結
正行罪青州非羯還非胡何須更歎

東門離謝云蕭牆之
禍往往如此

南風歎

欽定四庫全書
夕陽亭前車不發南風吹塵暗城闕凌雲醉客噤不言
蛙聲亂起華林園城頭鹿車走碌碌洛陽少年美如玉
宮中夜半北雞啼千門萬戶皆翻覆金墉城城近遠朝
來暮去誰能免九原若見楊家姑應問婦來何太晚

聞雞行

城頭雞鳴聲不惡祖生夜舞司州幕南來擊楫向中流
殺氣橫秋盡幽朔手提一劍馴兩龍潘云豪
俊可人黃河以南
無戰鋒十州父老皆部曲誰遣其兒作都督中原未清

壯士死遺恨吳江半江水

晉之東

西晉盛南風競二十四友皆為佞北師來東海追四十
八王皆不歸前奉觴後執益忠臣灑淚翻就害萬里中
原士馬空銅駝尚在宮門外宋家二帝俱入金神州陸
沉古猶今黃旗紫蓋渡江水碧嵩清洛愁人心晉之東
非失據宋之南竟何處潘云感
慨古今

伯仁怨

欽定四庫全書
呼伯仁百口累卿卿不聞伯仁出醉叱羣奴殺諸賊卿
負我我負公軍中應對聲如鐘三言不答二賢死義未
滅親先殺士潘云辭
嚴義正君不見王彬哭友不拜兄幽冥未
必無知已

氏帶箭

秦鞭斷江江逆流八公草木皆為仇山頭鶴唳爭回首
城南老氏帶箭走雄兵百萬如倒山三十年來一翻手
君不見捫蝨翁遺言莫遣西師東婦人孺子徒為忠燕

山饑鷹思弄風潘云句與事稱佳復見之歸來但哭陽平公

五斗粟

五斗粟不屈人五株柳不出門舉世不我客上作義皇

民義皇夢不見一枕三十春潘云古意蕭然似不欲更道一語

燕巢林

胡馬來飲淮浦春燕歸巢江樹潘云託興慨然石頭城立不住

狼居胥在何處耕問奴織問婢誰遣書生論兵事萬里

長城元自棄生不逢檀道濟

欽定四庫全書

乾狗數

石頭城中鎮將死父忠臣兒孝子袁家小兒匿不住乳

母怒門生喜殺郎君要賊利天地鬼神須鑒汝鬪場開

乾狗戲狗噬狂生如噬豕狗亦有知能報主齊朝司空

空姓褚潘云非此異事不能發此奇語

鮮卑兒

鮮卑胡漢兒是汝奴夫為汝耕婦為汝謝云添此二字使覺崢嶸織

纊使汝溫飽相歌呼胡為虐彼無寧居漢土著鮮卑汝

客作一足絹一斛粟為汝擊賊使汝樂胡為疾彼同剽

掠潘云爾事協律每出天成乃知恒言常事無不可被絃歌者高丞相三軍主能胡

言能漢語潘云二句結括得更精神胡為爪牙漢肝膽姦雄桀鵠不

足數猶能虎視中原土君不見鮮卑小兒難共事河南

行臺微不至

高涼洗

刺史召君勿行妾不知兵能知刺史情刺史反君勿戰

妾先請戰歸與君相見潘云作婦人語便是吁嗟乎高涼娶婦得

欽定四庫全書

婦力不見刺史但見賊太原亦有娘子軍誰道軍中無

婦人潘云意更好

涼風臺

涼風臺前池水赤赤星射空虹貫日斛律美人生抱玦

死向青天待明月潘云古意精語君不見晉陽書中臨絕語曾

為樂陵求樂處百年無罪君莫冤濟南何在是誰言不

須更問華林園

歸母怨

母告兒饑不得汝食寒不得女衣汝身榮盛吾何為兒
告母寒不見母寒暑不見母暑死若有知應得覩齊使
還周兵起天遣來來送死洛陽不死長安死殿前一殺
數十人母身在否無兒存丁寧莫遣齊師聞

潘云與鮮卑兒同詳

晉州急

晉州告急君莫歸勸君更為殺一圍晉州城陷君莫拔
閣裏濃粧待時發晉州城敗君莫退馬上著褱猶按轡
琵琶絃絕為何人啼聲嗚嗚春向晨當時同生願同死

欽定四庫全書

懷麓堂集

七

各向長安作妖鬼

潘云亦是本色

和士開

五雜組二美女往復來和士開不得已出刺史五雜組
一簾珠往復來待中廬不得已降詔書五雜組妻領軍
往復來賂餘珍不得已出國門

潘云用古體入新事別是一格

吳老公

吳老公薄心腸夕河南旦貞陽詐書實報恩作殃一身
非魏還非梁彼窮歸義棄不祥公心不薄爾可忘梁家

養客如養狼狼入彼室壞彼堂堂當時許媾惟朱張漂陽
公主誰家郎樂遊絲竹令人傷

潘云老公地下聞此其愚亦少舉乎

長江險

長江險天可恃齊三來周再至隋兵彊竟何事兵入城
吾有計樓高入天井入地生同歡娛死同避國有二嬪
無一士

潘云名言名言

回首長江如屢棄君不見古來人和方

潘云亦差強人意耳

姦老革

欽定四庫全書
姦老革天下寧有許多賊潼關以東大有人悔不盡殺
江都民民不欲多多即亂安得龍舟數千夫八萬君不
見江都城外入圖儀那能更到丹陽宮

必盡意耳

潘云蒙蔽之禍可為永監言不

懷麓堂集卷一

欽定四庫全書

懷麓堂集卷二

明 李東陽 撰

詩稿二

古樂府

太白行

太白經天照城闕甲光侵肌冷如鐵秦王袍沾息王血

潘云七字殆不忍讀較之 韓王 沉醉壽王醒不得不少露矣 龍攀鳳附不自由何乃

欽定四庫全書

棄君來事讐危言逆耳誰為謀古來天子不觀史飾詞

佞筆徒為耳胡不自脩為謗弭

譽樹行

莫愛庭前樹一愛百譽隨

潘云曲盡世態

向非諫臣言不知佞

者誰不知尚自可不去安用知

潘云句句緊切 謝云又進一步說

亡賴賊

亡賴賊逢人殺難當賊不平殺為佳賊臨陣殺為大將

見賊殺潘云又別是一格 少年作賊不愛身逢時幸作干城臣

宮中一言後宮易終負先朝為國賊

謝云脫不 得此一字

机上肉

李唐天下猶有主兒欲與韋母欲武

潘云指出便是

武家廟食

唐為周唐宗骨肉皆仇讐周迂酷吏開告密白頭司空

反是實司空不死唐不亡天意豈在廬陵王中興功業

回天地盡是司空門下吏二凶雖除五王族痛恨當年

存机肉

潘云禍生于不足畏往往如此況明在所可畏者哉

欽定四庫全書

韓休知

內家伎樂喧歌酒外庭宰相還知否語罷封章驚在手

潘云觸景指事無不可寫 君王對鏡念蒼生一身甘為韓休瘦嗚呼

曲江以後無此賢梨園羯鼓聲震天

潘云說得好說得好

見開元年

卿勿言

卿勿言朕自思南詔覆師君不知卿勿憂朕自保范陽

弄兵苦不早卿邪誰邪高與楊非姚非宋還非張有言